

欽定八旗通志卷二百七

人物志八十七

大臣傳七十三

漢軍正藍旗二 佟鳳彩 趙賴 甘文焜 喻成龍 甘國璧

白鍾山 李宏 李本

佟鳳彩

佟鳳彩漢軍正藍旗人初爲國史院副理事官順

治元年授香河知縣三年內陞山西道御史疏言

近畿沿河州縣頻年報災皆由隄岸衝決所致宜

額設堤夫培築堅固事下部議行尋

命巡視河東鹽政七年巡按湖南明年外轉湖廣武昌道
十年調河南督糧道十四年遷廣西右布政使十
六年調江西左布政使明年擢四川巡撫疏言蜀
自張獻忠蹂躪後城邑村墟所在蕩然宜令各官
捐輸修築省會城垣並葺學宮又疏言成都舊稱
沃野千里賴都江大堰蓄洩以資灌溉因遭兵燹
壅塞日久請於近堰各州縣按糧派夫每歲農隙

時官爲督率開濬疏並下部議行尋丁祖憂回京
康熙六年授貴州巡撫九年疏言天下所苦累者
驛站而險遠尤苦累者黔省層山峻嶺上而復下
下而復上故俗言地無三里平也馬走一站必蹄
癢脊爛夫抬一站必足破肩穿甚至中途倒斃司
驛者徒被叅處竟無良策前此之勉力支撐者當
軍興旁午不暇計及於民名爲官應夫馬實則協
幫於閩省里甲屢奉

明詔嚴禁私派臣與督臣甘文焜再四籌酌盡除協幫驛站之累今已歲餘民間稍有起色獨驛站萬難撐持東往湖廣者如興隆驛清平驛平越驛新添驛西往雲南者如查城驛安南驛新興驛普安驛相距遠者百餘里近者亦八十餘里所經坡嶺或陡如立壁或崎嶇盤旋人足馬蹄無不損傷應於重安江楊老堡黃絲鋪盤江坡江西坡軟橋坡六處各增設腰站照各驛額設馬五十匹馬夫二十五

名謹繪驛路全圖入告請

勅部詳議又疏言舊例舖兵一名日給米一升不足飽一口故召募卒應每勒令百姓輪當近大路者尙可勉強應役若遠隔一二百里輒歛銀轉雇借名多派滋擾請嗣後於日給升米外加給銀二分庶應募弗缺而百姓亦免騷擾又疏言黔省田土或巖畔或溪澗隨其形勢零星開挖我

朝聞黔之初州縣衛所各官俱係隨營委署之人不

諸田畝賦役隨意開報戶部見其數目參差以明
季賦役全書發黔訂正因將原報多者不復更改
原報少者照全書增添臣莅黔之初見其頭緒冗
雜酌訂由單規式咨明戶部並嚴飭府州縣衛所
等官將由單填給花戶一以杜私派之弊一以驗
全書之相符與否嗣據各屬造報有稱荒多熟少
請於熟田內包納者有稱田地屬府州縣而丁差
久在衛所者有稱田地屬土司苗人向來不計畝

數止照寨之大小定糧數之多寡者此多彼縮不能照則例填給蓋實徵數目與全書所載本不相符且田地名色甚多錢糧輕重不一有徵糧不徵銀田有徵銀不徵糧田徵糧則每畝自數合至數斗不等徵銀則每畝自數分至數錢不等臣現飭司府各官詳細清理若限期忙迫難免一誤再誤當俟清理完日於全書內逐一更明達部以垂永久疏並得

旨俞允十年丁母憂十一年七月起爲河南巡撫兼理河
道十二年疏言豫省平定有年百姓苦累未蘇每
歲修築黃河用夫七八千名或至萬餘名自二月
至十月俱按地畝起派似乎公矣然狡猾之徒以
自己田土飛灑於人勢豪之家以他人地畝包攬
於已甚至紳衿衙役借題優免致懦弱鄉愚愈累
愈貧每月三四兩不等方能雇夫一名及解到河
工又爲積年河工夫頭百計欺壓苦不能受勢必

至於逃逃而提補又得二二三兩重雇是每夫一月
已費至六七兩矣卽以一歲萬夫初僱月需三四
兩而計每年費至三四十萬今莫若官僱照顧治
十八年以前例每夫每月僱價二兩每歲上工九
個月每夫止用僱價一十八兩綜萬夫計之止用
一十八萬兩其每歲估夫若干需銀若干除歲徵
河銀外計通省地畝分別等則派銀足之刊明由
單內我

朝制度凡錢糧俱照明萬歷年間則例此項似屬加派而派夫較之派銀所費不啻數倍曷若稍一更變每畝不過加之釐毫俾得安心農畝此歲修之議若是倘遇意外大工僱價浩繁或動行項錢糧又在臨時再行酌題者也疏下部議如所請得

旨派夫累民允宜停止若派銀雇夫仍屬累民著照順治十八年以前例支河庫銀雇給如有不敷需動別項錢糧再行題請鳳彩又疏言均平里甲久奉

俞旨通行直省惟河南荒多熟少因循如故雖有里申之名其寔多寡不一多者每里或五六百頃少者每里止一二百頃或寥寥數頃有司止知照例編差里大則田多戶殷衆擎易舉里小則田少人稀難以成役更有官儒戶名或不入甲或入甲而不當差甚至避重就輕大里愈得便宜小里愈增苦累今莫若令州縣印官按現在征糧地畝冊如一州縣有地一千頃原分爲十里者每里均分一百頃

一里之中各分十甲每甲均分十頃遇有差徭按里甲分當則豪強無計躲避貧弱不致偏枯矣疏下部行又疏言豫省沿河地方雖云產柳然除隄柳園柳外俱民間納糧地栽種以供採辦自康熙七年以來協濟江南河工之柳已二百七十餘萬束矣而本省歲修常需百餘萬去歲開封府屬陽武縣之潭口寺工險事迫無柳可用將民間之桃李杏梨等樹盡行砍伐堵塞方保無虞是修防本

省河工尙且不敷難堪協運外省且豫省黃河水
勢洶湧原無商旅巨艦往來不過各河口寥寥之
渡舡耳一遇協濟渡船不敷將小河民舡從陸地
挖溝引水拉至大河每隻不過裝柳二三百束然
尙有船可運也今朱仙鎮市舶見封雇無已俱各
畏縮不前大河又無片帆往來百姓運柳至河干
者祇望洋而嘆官吏束手無策若不亟圖變通將
來必至誤運現在協濟七里溝之柳九十餘萬束

而隄柳園柳官給腳價銀一分五釐民柳連運脚
每束給銀四分五釐向來運本省之柳修本省之
工每束尚給銀五分今遠運江南千里之外止給
四分五釐小民無術飛運安得不賠累乞

勅河臣於江南僱船到豫使民止備辦柳束輓運河干嗣
後就江南隣近無河患處酌辦協濟留河南有餘
不盡之柳稍以備本省河患庶百姓稍得蘇息大
工不致遲誤矣疏下九卿科道議行是年冬逆藩

吳三桂反河南爲進剿通衢鳳彩嚴飭各屬凡軍需糧草官購官運又酌分解馬解礮與出兵道路俾進行無滯十三年十二月以疾乞休得

旨解任調理南汝總兵周邦寧以士民籲留入告左都御史姚文然疏言鳳彩相貌議論樸寔無奇而老成練達謹慎和平服官二十餘年皆能稱職其撫豫數載恤民疾苦民愛而信之傳聞告病以來百姓皇皇如失所倚恃宜令力疾視事資駕輕就熟之

益

上命鳳彩仍留任十六年七月卒於官年五十有六
賜祭葬如典禮諡勤僖祀河南四川貴州各宦祠

趙賴

趙賴漢軍正藍旗人父趙夢彩天聰八年授佐領
後以監修

福陵在事勤慎予三等輕車都尉世職順治四年賴襲父
職六年以署叅領隨謙郡王瓦克達討叛鎮姜瓖

有功遇

恩詔晉一等輕車都尉又一雲騎尉康熙三年擢正藍旗
漢軍副都統十三年

命隨順承郡王勒爾錦討逆藩吳三桂擢貴州提督值貴
州湖南俱陷賊

命留駐九江就近募兵設四營將校統以防勦尋擊敗賊
衆於都昌縣之土塘山及鄱陽縣之大灣十五年
四月改授江西提督時三桂之僞將軍韓大任糾